

# In cler Gea per novs aviuns da cumbat

## Il referendum è già annunzià

DA LUCAS DEPLAZES / ANR

■ **Cun 114 vuschs cunter 68 e 6 abstenziuns ha il cussegl naziunal acceptà la cumpra da 22 aviuns da cumbat per l'armada. La chombra gronda ha plinavant er schlià il frain a las expensas. Ils socialdemocrats ed ils verds han già annunzià il referendum.** En sia missiva propona il cussegl federal al parlament d'acquistar 22 aviuns da cumbat «Gripen» per la summa da 3,126 milliardas francs. Ils novs aviuns duain remplazzar ils «F-5 Tigers». Ils aviuns svedais Gripen accumulieschan las pretaisas da l'armada, sincerescha il cussegl federal. Quest aviuin è blier pli bunmartgà che ses concurrents Eurofighter u Rafale e vegn a chaschunar damain custs da mantegniment.

En la debatta d'entrada ha il president da la cummissiun *Thomas Hurter* (pps/SH) menziunà la vasta discussiun en connex cun la cumpra dals novs aviuns da cumbat. La cummissiun ha pretendì garantias davart ils ristgs tar il svilup dal nov aviuin ed areguard la segirtad da la finanziaziun e dals termins da furniziun per ils novs aviuns. La cummissiun ha er cuntanschi ina reduziun dals pajaments anticipads sin 40%. L'acquisaziun vegn garantida dal stadi svedais. Ils emprems trais aviuns vegnan examinads a fund e pir suenter quest examen decida la Svizra definitivamein. Cun 14 cunter 9 vuschs e 2 abstenziuns recumonda la cummissiun d'entrar en la materia e da refusar las propostas da las minoritads.

### La finanziaziun

La finanziaziun duai succeder sur in fond spezial che duai funcziunar durant 10 onns e vegnir alimentà cun 300 milliuns francs l'onn, previs en il budget annual



**Il minister da defensiu Ueli Maurer è satisfatg da la decisiun dal cussegl naziunal a favur dal Gripen ed obtegn in aviuin da model sco engraziament per ses engaschi.**

KEYSTONE

da la confederaziun. Fin l'onn 2017 na datti nagins pajaments per ils aviuns. Ils custs duain vegnir cumpensads en Svizra e respectar las diversas regiuns. En connex cun la cumpra dals novs aviuns propona il cussegl federal da suttametter il project al referendum facultativ. Ils credits per l'armada n'èn betg suttamess al referendum.

### La cumpra è contestada

*Evi Allemann* (pss/BE) propona da betg entrar en la materia. La cumpra muntia in vair luxus. *Walter Müller* (pld/SG) vul returnar la fatschenta al cussegl federal e pretenda d'examinar ulteriuras variantas da cumpra. Er *Roland Fischer* (pvl/LU) gavischa dal cussegl federal in concept general. La Partida socialdemocratica

(pss) considerescha la fatschenta sco grond ristg e propona da refusar la cumpra. En cas d'in gea vegn la pss a far diever dal referendum, ha fatg attent *Chantal Galladé*, (pss/ZH), la pledadra da la partida.

La Partida populara, ils liberaldemocrats, ils cristiandemocrats e la Partida burgais-democratica sustegnan la cumpra. La Svizra sco stadi neutral stoppia esser en il cas da sa defender. Ils aviuns Gripen correspundian a noss basegns. En cas da grondas mancanzas tecnicas u da difficultads da furniziun possia la Svizra desister da la cumpra. En concordanza cun la regenza svedaisa sajan reglads en in contract da stadi ils divers ristgs e las cundiziuns d'acquisaziun.

### Nagin luxus

Per il president da la confederaziun, *Ueli Maurer*, sa tracta quai oz d'ina investiun modesta. Ils aviuns da cumbat Gripen n'èn betg ils pli moderns, mo els èn sufficients ed adattads per garantir nossa segirtad en l'avegnir. La Svizra è en il center da l'Europa, pia circumdada da naziuns empornaivlas, sco quai che divers votants han constatà. Mo gist quests amis duain pudair quintar cun l'agid da la Svizra er sin il sector da la segirtad. Pli baud disponeva la Svizra da passa 100 aviuns da cumbat. Cun ils 33 aviuns F5 ed ils 22 aviuns svedais posseda la Svizra en l'avegnir 55 aviuns per la defensiu da l'aria. Maurer ha contestà las constataziuns en la debatta che la finanziaziun muntia reduziuns en auters secturs. Las expensas per l'armada sajan sa reducidas da 20% da las expensas sin actualmain var 7%. Maurer è persvas che la fatschenta vegn er acceptada da la populaziun en cas d'in referendum, perquai che nus na cumprain betg aviuns da luxus.